



**S**anctus Simpertus filius Amperti ducis Lotharingæ, & Caroli Magni ex sorore Symphoriana nepos fuit. Itaque à parentibus melioribus literis institutus, atque in Murbacensem scholam collocatus fuit, ut ibidem Christianæ doctrinæ rudimenta perdisceret, atque sacris literis operam daret. In eo etiam Monasterio ita breui tempore profecit, ut reliquos æquales suos ibidem longè superaret, atque Abbas fieret. Itaque factum cum Toffo Augustanus præsul moreretur, ut totius cleri consensu S. Simpertus, Anno Christi octingentesimo, Episcopus Augustanus electus fuerit. Hanc functionem magna prudentia ad-

ministravit, atque quenque sacerdotum diligenter officij sui admonuit. In uigilijs S. Michaelis is primus Ecclesiam cathedralem D. Virginis uerbo Dei dedicauit, & multis opibus & priuilegijs exornauit, hinc factum ut Augustani ciues postea singulis annis eo tempore suas nundinas peregerint. Cum autem S. Simpertus per triginta annos magna dexteritate Ecclesiam Augustanam moderatus esset, uiam uniuersæ carnis ingressus est, eo tempore cum Ludouicus pius eius patruelis Imperium Occidentale administraret. Monst,